



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1416/13  
Sarajevo, 28.5.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMJENO: 28-05-2013			
Organizaciona jedinica	Klasifikaciona oznaka	Redni broj	Broj priloga
01-50-1-15-47/13			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 51. sjednici održanoj 28.5.2013. godine, utvrdilo je Odgovor na zastupničko pitanje koje je postavio Nermin Purić, zastupnik u Zastupničkom domu Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-1416/13  
Sarajevo, 28.5.2013. godine

Nermin Purić, poslanik u Predstavničkom domu Parlamentarne skupštine Bosne i Hercegovine, na 47. sjednici Predstavničkog doma održanoj 18.04.2013. godine, postavio je sljedeće poslaničko pitanje:

„Da li ispostavljanje računa za komunalne usluge podjelom od vrata do vrata, bez koveriranja istih, predstavlja kršenje Zakona o zaštiti ličnih podataka? Ako da, na koji način građani mogu zaštititi svoja prava? Da li takva preduzeća trebaju račune dostavljati poštom, u zatvorenim kovertima?“

Na postavljeno pitanje, Vijeće ministara Bosne i Hercegovine je na 51. sjednici održanoj 28.5.2013. godine, utvrdilo sljedeći

**ODGOVOR**

Članom 3. stav (1) alineja 1) Zakona o zaštiti ličnih podataka („Službeni glasnik BiH“ br. 49/06, 76/11 i 89/11) (u daljem tekstu: Zakon) propisano je značenje izraza ličnog podatka, tako da je „lični podaci znače bilo koju informaciju koja se odnosi na fizičko lice koje je identifikovano ili se može utvrditi identitet lica“.

Uvidom u račun za izvršenu komunalnu uslugu nedvojbeno se može utvrditi na koga se isti odnosi, ali i drugi podaci koji zadiru u njegovu privatnost, kao što je adresa stanovanja, ukupno ili mjesečno dugovanje i slično. Također, na posredan način se mogu dobiti i druge informacije o privatnom životu jednog lica. Na primjer, na osnovu uvida u nekoliko računa za električnu energiju ili vodu, može se saznati informacija da li je to lice bilo na godišnjem odmoru ili ne.

Nadalje, podatak o dugovanju za izvršenu komunalnu uslugu proizilazi iz obligacionopravnog, ugovornog odnosa pojedinca i komunalnog preduzeća, te je objelodanjivanje podataka iz takvog ličnog odnosa bilo kome, nezakonito ukoliko za to ne postoji pravni osnov. Davanje ličnih podataka trećoj strani regulisano je članom 17. Zakona, prema kojem se lični podatak može dati trećoj strani ukoliko postoji pismeni zahtjev u kojem je navedena svrha i pravni osnov za dobijanje ličnih podataka. Pravni osnov za davanje ličnih podataka je saglasnost nosioca ličnih podataka, zakonom utvrđena nadležnost ili zakonit interes podnosioca zahtjeva, odnosno ukoliko je utvrđen javni interes. Dostavljanjem

otvorenog računa za komunalnu uslugu zaobilazi se primjena navedenih odredbi Zakona, što znači i povredu prava fizičkog lica na privatnost i zaštitu podataka u pogledu obrade ličnih podataka koji se na to lice odnose.


Sa aspekta zaštite ličnih podataka, irelevantno je da li će račun za komunalnu uslugu biti dostavljen putem pošte ili posredstvom inkasanta (podjelom od vrata do vrata). Važno je da sam račun i njegov sadržaj bude poznat i dostupan samo onome na koga se odnosi. Drugim riječima, komunalna preduzeća trebaju dostavljati račun za komunalne usluge u zatvorenim kovertama, bez obzira na način kojim se isti dostavlja. Pored zaštite prava na privatnost svakog građanina, na ovaj način se sprječava i moguća zloupotreba ličnih podataka.

Kako bi zaštili pravo na privatnost i obradu ličnih podataka, građani trebaju prije svega, obratiti se komunalnom preduzeću sa zahtjevom da im dostavlja račune u zatvorenim kovertama. U svakom slučaju, u skladu sa članom 30. Zakona, građani mogu podnijeti prigovor Agericiji za zaštitu ličnih podataka u Bosni i Hercegovini ukoliko utvrde ili posumnjaju da je komunalno preduzeće povrijedilo njihovo pravo ili da postoji direktna opasnost za povredu prava, odnosno ukoliko njihovom zahtjevu ne bude udovoljeno.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1401/13  
Sarajevo, 28.5.2013. godine



**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 51. sjednici održanoj 28.5.2013. godine, utvrdilo je Odgovor na zastupničko pitanje koje je postavio Nermin Purić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-1401/13  
Sarajevo, 28.5.2013. godine

Nermin Purić, poslanik u Predstavničkom domu Parlamentarne skupštine Bosne i Hercegovine, na 47. Sjednici Predstavničkog doma održanoj 18.04.2013. godine, postavio je slijedeće poslaničko pitanje:

„U magazinu Euroblic od 28.03.2013. godine objavljen je članak pod naslovom „Radmanović nije reagirao na knjiženje“. U članku se tvrdi da su sudovi u FBiH na zahtjev Pravobraniteljstva BiH uknjižili četiri vojne lokacije na državu BiH i to u Cazinu, Velikoj Kladaši, Mostaru i Tešnju. O kojim se lokacijama konkretno radi i u koje svrhe se danas koristi ta imovina?“

Na postavljeno pitanje, Vijeće ministara Bosne i Hercegovine je na 51. sjednici održanoj 28. 5. 2013. godine, utvrdilo slijedeći

**ODGOVOR**

Na prijedlog Pravobranilaštva BiH Općinski sud u Mostaru Zemljišno knjižni ured je donio Rješenje broj Dn 264/10 od 08.03.2010. godine kojim se dopušta u

- Zemljišno knjižnom ulošku (elektronska baza podataka) broj: 344 K.O. Mostar,
- Zemljišno knjižnom ulošku (elektronska baza podataka) broj: 2970 K.O. Mostar, i
- Zemljišno knjižnom ulošku (elektronska baza podataka) broj: 5804 K.O. Mostar,

uknjižba u korist države Bosne i Hercegovine, prava vlasništva na 1/1 dijela nekretnina u „A“ listu sa dosada uknjiženog prava vlasništva Opštenarodne imovine i organa upravljanja Državnog sekretarijata za poslove narodne odbrane u Beogradu.

Na prijedlog Pravobranilaštva BiH Općinski sud u Mostaru Zemljišno knjižni ured je donio Rješenje broj Dn 212/10 od 03.03.2010. godine kojim se dopušta u

- Zemljišno knjižnom ulošku (elektronska baza podataka) broj: 220 K.O. Baćevići,

uknjižba u korist države Bosne i Hercegovine, prava vlasništva na 1/1 dijela nekretnina upisanih u „A“ listu sa dosada uknjiženog prava vlasništva Opštenarodne imovine i organa upravljanja Državnog sekretarijata za poslove Narodne odbrane .

Iz navedenog proizilazi da se radi o rješenjima Općinskog suda u Mostaru, dok sudovi u Cazinu, Velikoj Kladaši i Tešnju nisu vršili knjiženje vojne imovine na državu BiH.

Pravobranilaštvu nije poznato u koje se svrhe koriste navedene nekretnine.